

լինի ընդ մեզ, և մեք ընդ նոսա հաշտելոց եմք յաւուրս:

Եւ ի գիշերիս յայտմ, որ Շարաթ (22 Մարտ) լուսանայր, գտին զՍալէհ աղան եւ զՄուստաֆա աղան ևս, զնոսին խեղդամահ արարեալ ձգեցին ի յԱթմէյտանին, և յետ պահու առաւօտիս վերուցին:

Եւ օրս մօհրն եկաւ, որ գնացեալ էր ի Տէլի Հիւսէին փաշան, և որ աղմուկս եղև և եղին զՍիւաուզն և մարդ ուղարկեցին մօհրին և հասաւ ի ճանապարհին և օրս բերաւ և տվին ի Սիւաուզն:

Եւ օրս Էսիլն և օրթախն խորհուրդ արարեալ թէ Ահա հաշտեցաք հետ վարդապետին, և այսպէս համբաւէին ժողովրդեանն, և այժմ երթիցուք ի Մարտիրոս վարդապետն, միթէ եւս զնա պատրեալ առցուք ի բերանէ ինչ թէ Գնացէ՛ք՝ թողու թիւն. և այնուհետեւ այլ ոչ ունիմք<sup>1)</sup> ի հոգս. եւ կացուցին բարեխօս զԵրուսաղէմայ Ստեփաննոսն. եւ երթեալ անդ, եւ նա ոչ թողու յերեսս իւր ելանել: Եւ կրկին անգամ զիմեալ ի դուռն՝ իբր երթալով ի ներս, և նա ևս ոչ թողեալ մտանել ի ներս, այսպէս Գ և Դ անգամ զիմեալք՝ թէ մտանեմք. եւ վարդապետն ի ներքուստ ձայնեալ թէ Մի՛ գայք պղծեր, եւ այլ անարգանս. և յետոյ ճար ոչ գտեալ վարդապետին՝ ի բարկութիւն շարժեալ, ելեալ ի դուրս անարգելով և ի վերայ նոցա վազելով. եւ նոքս զայն տեսեալ և զձայնսն՝ ի փախուստ առեալ հազիւ զդուռն արտաքոյ գտեալ գնացին: Առաւօտուս քարոզ ասաց Վարդապետն զԼուսաւորչին և կէսն երեկոյիս ասաց: Եւ զմնացեալն առաւօտուն և երեկոյիս զխորհուրդ Կիրակէիս (23 Մարտ) ասաց և զգաս կարգին:

Բչի օր ԻԴ-իս երեկոյիս (ըմբռնեցին) զՄէմար

1) ունիմ.